

X თავი ბსუ-ს სტიპენდიები

ბსუ-ში გაიცემა სხვადასხვა სახის სტიპენდიები. მათი დანიშვნა-გაცემის რეგულაცია მოცემულია „ბსუ-ს სტუდენტთათვის ბსუ-ს სტიპენდიების დანიშვნისა და გაცემის წესის დამტკიცების თაობაზე“ ბსუ-ს წარმომადგენლობითი საბჭოს 2018 წლის 7 ნოემბრის N01 გადაწყვეტილებაში (წინამდებარე გზამკვლევის **დანართი 4**) და „ბსუ-ს სტუდენტთათვის ავთანდილ ბარათაშვილის სტიპენდიების დანიშვნისა და გაცემის წესის დამტკიცების თაობაზე“ ბსუ-ს წარმომადგენლობითი საბჭოს 2018 წლის 7 ნოემბრის N02 გადაწყვეტილებაში (წინამდებარე გზამკვლევის **დანართი 5**).

1. სტიპენდიები ენიშნებათ ბსუ-ს შემდეგი საგანმანათლებლო პროგრამების სტუდენტებს:

- ა) საბაკალავრო საგანმანათლებლო პროგრამები (არანაკლებ 240 კრედიტიანი - 8 სემესტრის განმავლობაში);
- ბ) სამედიცინო და სტომატოლოგიის ერთსაფეხურიანი საგანმანათლებლო პროგრამები (მედიცინის 360 კრედიტიანი პროგრამა - 12 სემესტრის განმავლობაში, ხოლო სტომატოლოგიის 300 კრედიტიანი პროგრამა - 10 სემესტრის განმავლობაში);
- გ) დაწყებითი განათლების მასწავლებლის მომზადების ინტეგრირებული საბაკალავრო-სამაგისტრო საგანმანათლებლო პროგრამა (300 კრედიტიანი - 10 სემესტრის განმავლობაში);
- დ) სამაგისტრო პროგრამები (120 კრედიტი - 4 სემესტრის განმავლობაში).

2. ბსუ-ს სტუდენტებს შესაძლებელია დაენიშნოთ შემდეგი სახის სტიპენდია:

- ა) „პირველსემესტრელის სტიპენდია“ (ყოველთვიურად 100 ლარის ოდენობით) - ენიშნება პირველი სასწავლო წლის პირველი სემესტრის იმ სტუდენტს, რომელიც ერთიანი ეროვნული გამოცდების შედეგად ჩაირიცხება აბიტურიენტის განაცხადში (სარეგისტრაციო ანკეტაში) მის მიერ პირველ ნომრად მითითებულ, ამ თავის პირველი პუნქტის „ა“-„გ“ პუნქტებით გათვალისწინებულ ბსუ-ს რომელიმე პროგრამაზე და ამასთან, ერთიანი ეროვნული გამოცდებიდან მეოთხე (დამატებით) გამოცდაზე მიღებული აქვს ბსუ-ს შესაბამისი ფაკულტეტის სტუდენტთა შორის ყველაზე მაღალი (სკალირებული) ქულა;
- ბ) „ჩვეულებრივი სტიპენდია კარგოსნისათვის“ (ყოველთვიურად 50 ლარის ოდენობით) – ენიშნება ამ თავის პირველი პუნქტის „ა“-„გ“ პუნქტებით გათვალისწინებული ბსუ-ს საგანმანათლებლო პროგრამების იმ სტუდენტებს, რომლებსაც სწავლის პერიოდში, შესაბამისი პროგრამით გათვალისწინებული კრედიტების ფარგლებში, ყოველ სასწავლო კურსში (როგორც ძირითად ან/და დამატებით, ისე საკუთარი ინიციატივით დარეგისტრირებულ სასწავლო კურსში) მიღებული აქვთ შეფასება არანაკლებ „მალიან კარგი“-სა. აღნიშნული სტიპენდია

შესაძლებელია დაენიშნოს ბსუ-ს სტუდენტს მე-3 სემესტრიდან. დამამთავრებელი სემესტრის შეფასებების გათვალისწინებით სტიპენდიის დანიშვნა არ ხორციელდება;

გ) **„ჩვეულებრივი სტიპენდია ფრიადოსნისათვის“** (ყოველთვიურად 100 ლარის ოდენობით) - ენიშნება ამ თავის პირველი პუნქტის „ა“-„გ“ პუნქტებით გათვალისწინებული ბსუ-ს საგანმანათლებლო პროგრამების იმ სტუდენტებს, რომლებსაც სწავლის პერიოდში, შესაბამისი პროგრამით გათვალისწინებული კრედიტების ფარგლებში, წინა სემესტრში, პროგრამის სასწავლო გეგმით გათვალისწინებულ ყოველ სასწავლო კურსში (როგორც ძირითად ან/და დამატებით, ისე საკუთარი ინიციატივით დარეგისტრირებულ სასწავლო კურსში) მიღებული აქვს შეფასება „ფრიადი“. აღნიშნული სტიპენდია ბსუ-ს სტუდენტს ენიშნება სწავლების მე-2 სემესტრიდან. დამამთავრებელი სემესტრის შეფასებების გათვალისწინებით სტიპენდიის დანიშვნა არ ხორციელდება;

დ) **„საფაკულტეტო სახელობითი სტიპენდია“** - ყოველთვიურად 150 ლარის ოდენობით, რომლის დასახელება განისაზღვრება ბსუ-ს აკადემიური საბჭოს დადგენილებით, ენიშნება ჩატარებული კონკურსის შედეგად გამარჯვებულ კანდიდატებს (სწავლების მეორე წლიდან - მესამე სემესტრიდან, გარდა დამამთავრებელი სემესტრის სტუდენტისა), ამ თავის პირველი პუნქტით გათვალისწინებული ბსუ-ს საგანმანათლებლო პროგრამების იმ სტუდენტებს, რომლებსაც საგანმანათლებლო პროგრამით გათვალისწინებულ სასწავლო კურსებში (როგორც ძირითად ან/და დამატებით, ისე საკუთარი ინიციატივით დარეგისტრირებულ სასწავლო კურსში), „საშუალო შეწონილი“ ფორმულით მიღებული აქვთ 91 ქულა და მეტი და რომლებიც გამოირჩევიან აქტიური სამეცნიერო საქმიანობით (გამოქვეყნებული აქვს სამეცნიერო ნაშრომი შესაბამის სპეციალობაში ან არის სხვადასხვა სამეცნიერო ან სასწავლო კონფერენციების, სემინარების, სიმპოზიუმების და ა.შ. მონაწილე და აქვს მაღალი მიღწევები.

ე) **„საუნივერსიტეტო სახელობითი სტიპენდია“**, ყოველთვიურად 200 ლარის ოდენობით, რომლის დასახელება განისაზღვრება ბსუ-ს აკადემიური საბჭოს დადგენილებით, ენიშნება ჩატარებული კონკურსის შედეგად გამარჯვებულ კანდიდატს (სწავლების მეორე წლიდან - მესამე სემესტრიდან, გარდა დამამთავრებელი სემესტრის სტუდენტისა), ამ თავის პირველი პუნქტით გათვალისწინებული ბსუ-ს საგანმანათლებლო პროგრამების იმ სტუდენტებს, რომლებსაც საგანმანათლებლო პროგრამით გათვალისწინებულ სასწავლო კურსებში (როგორც ძირითად ან/და დამატებით, ისე საკუთარი ინიციატივით დარეგისტრირებულ სასწავლო კურსში), „საშუალო შეწონილი“ ფორმულით მიღებული აქვთ 91 ქულა და მეტი და რომლებიც გამოირჩევიან აქტიური სამეცნიერო საქმიანობით (გამოქვეყნებული აქვს სამეცნიერო ნაშრომი შესაბამის სპეციალობაში ან არის სხვადასხვა სამეცნიერო ან სასწავლო კონფერენციების, სემინარების, სიმპოზიუმების და ა.შ. მონაწილე და აქვს მაღალი მიღწევები.

ვ) **ავთანდილ ბარათაშვილის სახელობის სტიპენდია** - ენიშნება კონკურსის წესით შერჩეულ, უმაღლესი აკადემიური განათლების პირველი და მეორე საფეხურის

საგანმანათლებლო პროგრამების აქტიური სტუდენტის სტატუსის მქონე 8 (რვა) სტუდენტს, რომელიც დარეგისტრირებულია სოციალურად დაუცველ პირთა ერთიან ბაზაში და შესაბამისი საგანმანათლებლო პროგრამით გათვალისწინებულ დისციპლინებში, „საშუალო შეწონილი“ ფორმულით კონკურსის გამოცხადებამდე, წინა სემესტრებში, მიღებული აქვს 71 ქულა და მეტი. სტიპენდია ინიშნება სწავლების მეორე წლიდან (მესამე სემესტრიდან), ყოველთვიურად 190 (ასოთხმოცდაათი) ლარის ოდენობით.

ზ) საუნივერსიტეტო სახელობითი სტიპენდია (200 ლარის ოდენობით) 1. შოთა რუსთაველის სახელობის სტიპენდია; 2. ხუსეინ ნაკაიძის სახელობის სტიპენდია) - სწავლების მეორე წლიდან (მესამე სემესტრიდან) შესაბამის ფაკულტეტებზე, ბსუ-ს ბაკალავრიატისა და მაგისტრატურის იმ სტუდენტებს, რომლებსაც საგანმანათლებლო პროგრამით გათვალისწინებულ დისციპლინებში „საშუალო შეწონილი“ ფორმულით მიღებული აქვთ 91 ქულა და მეტი და რომლებიც გამოირჩევიან აქტიური სამეცნიერო საქმიანობით (გამოქვეყნებული აქვს სამეცნიერო ნაშრომი შესაბამის სპეციალობაში ან არის სხვადასხვა სამეცნიერო ან სასწავლო კონფერენციების, სემინარების, სიმპოზიუმების და ა.შ. მონაწილე და აქვს მაღალი მიღწევები);

თ) გაცვლითი საგანმანათლებლო პროგრამის მონაწილე სტუდენტის ერთჯერადი სტიპენდია - ბსუ-ს სტუდენტის მიერ უცხოეთში ათვისებული კრედიტების აღიარების შესაბამისად გამოიცემა რექტორის ბრძანება ერთჯერადი სტიპენდიის დანიშვნის თაობაზე. სტიპენდიის ოდენობა არის სტუდენტისათვის აღიარებული კრედიტების საფასურის ექვივალენტი. სტიპენდიის დანიშვნისა და გაცემის შესახებ სამართლებრივი აქტების გამოცემის საფუძველია შესაბამისი ფაკულტეტის დეკანის დასაბუთებული სამსახურებრივი ბარათი და სტუდენტის განცხადება.

ბსუ-ს სახელობითი (საფაკულტეტო) სტიპენდიებია (სულ 7 ფაკულტეტზე 20 დასახელების სტიპენდია):

ბსუ-ს სახელობითი (საფაკულტეტო) სტიპენდიები განსაზღვრულია „ბათუმის შოთა რუსთაველის სახელმწიფო უნივერსიტეტის ფაკულტეტებზე სახელობითი სტიპენდიების შემოღებისა და აუდიტორიებისათვის გამოჩენილ მეცნიერთა და საზოგადო მოღვაწეთა სახელების მინიჭების შესახებ“ ბსუ-ს აკადემიური საბჭოს 2014 წლის 26 სექტემბრის N124 დადგენილებით (შევიდა: დამატება - ბსუ-ს აკადემიური საბჭოს 2016 წლის 28 ოქტომბრის N 99 დადგენილებით; ცვლილება - ბსუ-ს აკადემიური საბჭოს 2018 წლის 14 ნოემბრის N135 დადგენილებით).

ჰუმანიტარულ მეცნიერებათა ფაკულტეტზე:

- 1) პროფ. როლანდ კომახიძის სახელობის;
- 2) პროფ. დავით ხახუტაიშვილის სახელობის;
- 3) პროფ. აბელ სურგულაძის სახელობის;
- 4) სელიმ ხიმშიაშვილის სახელობის.

საბუნებისმეტყველო მეცნიერებათა და ჯანდაცვის ფაკულტეტზე:

- 1) აკად. მემედ კომახიძის სახელობის;
- 2) დოც. ვლადიმერ ქემხაძის სახელობის;
- 3) დოც. ოთარ ახვლედიანის სახელობის.

ზუსტ მეცნიერებათა და განათლების ფაკულტეტზე:

- 1) აკად. დურსუნ ბალაძის სახელობის;
- 2) ხუსეინ ხალვაშის სახელობის;
- 3) სილოვან დადუნაშვილის სახელობის;
- 4) გულო ალა კაიკაციშვილის სახელობის.

ეკონომიკისა და ბიზნესის ფაკულტეტზე:

- 1) პროფ. ვახტანგ პაპუნძის სახელობის;
- 2) პროფ. ვალერიან მელქაძის სახელობის;
- 3) პროფესორ გივი გამსახურდიას სახელობის.

იურიდიული და სოციალურ მეცნიერებათა ფაკულტეტზე:

- 1) პროფ. სერგო ჯორბენაძის სახელობის;
- 2) ტბელ აბუსელიძის სახელობის.

ტექნოლოგიური ფაკულტეტზე:

- 1) ნიკო ნიკოლაძის სახელობის;
- 2) აკად. ლევან ყანჩაველის სახელობის.

ტურიზმის ფაკულტეტზე:

- 1) ექვთიმე თაყაიშვილის სახელობის;
- 2) ვახუშტი ბატონიშვილის სახელობის.

3. ბსუ-ს სტიპენდიები არ ენიშნებათ:

- ა) ბსუ-ს სტუდენტის სტატუსშეჩერებულ/სტატუსშეწყვეტილ პირს;
- ბ) აკადემიური დავალიანების მქონე სტუდენტს (გარდა იმ სტუდენტისა, რომელსაც ბსუ-ს გაცვლითი პროგრამაში მონაწილეობის გამო, დადგენილ ვადაში ასათვისებელი აქვს ბსუ-ს საგანმანათლებლო პროგრამით გათვალისწინებული კრედიტები);

- გ) სტუდენტს, რომელსაც შესრულებული აქვს შესაბამისი საგანმანათლებლო პროგრამის მოთხოვნები და მიენიჭა შესაბამისი აკადემიური ხარისხი;
- დ) დამატებითი სასწავლო სემესტრის (ვადაგაგრძელებულ) სტუდენტს.

4. სტუდენტს, რომელსაც უკვე დანიშნული აქვს ბსუ-ს რომელიმე სახის სტიპენდია, მასზე გაიცემა იმ სახის სტიპენდია, რომელსაც თავად განსაზღვრავს (წერილობითი განცხადება წარმოდგენილი უნდა იქნეს სტიპენდიის დანიშვნის აქტის გამოცემიდან არაუგვიანეს 2 სამუშაო დღისა).